



Fundur Framkvæmdaráðs Snæfellsness

Fundargerð 21. maí 2012

Fundarboðari: Theódóra Matthíasdóttir, umhverfisfulltrúi

Nr. fundar: 25

Mættir:

Björn Steinar Pálmason, bærarstjóri Grundarfjarðarbæjar
Gyða Steinsdóttir, bærarstjóri Stykkishólmsbæjar
Kristinn Jónasson, bærarstjóri Snæfellsbæjar, formaður Framkvæmdaráðs og fundarstjóri
Benedikt Benediktsson, sveitarstjóri Helgafellssveitar
Theódóra Matthíasdóttir, umhverfisfulltrúi Snæfellsness og starfsmaður Framkvæmdaráðs

Fundarstaður og tími: Ráðhús Stykkishólms, 21/5/2012 kl. 09:00

Dagskrá:

1. Bréf frá bærarstjórn Grundarfjarðar
2. Framtíð EarthCheck verkefnisins á Snæfellsnesi
3. Kynningar fyrir ferðaþjóna á Snæfellsnesi
4. Ný innkaupastefna/bættar innkaupaskráningar
5. Heimsóknir erlendra háskólanema í sjálfbærniáfræðum í maí
6. Úttekt í haust
7. Skilti
8. Kynningarefni fyrir ferðamenn sem koma á svæðið
9. Önnur mál

Umfjöllun:

1. Björn Steinar lagði fyrir fundinn bréf frá bærarstjórn Grundarfjarðarbæjar. Bréfið verður einnig sent til sveitarstjórna aðildarsveitarfélaga og Náttúrustofu Vesturlands. Í bréfinu kemur fram eftirfarandi bókun bærarstjórnar:

„Bærarstjórn fer fram á endurskoðun samnings Framkvæmdaráðs Snæfellsness við Náttúrustofu Vesturlands frá júní 2010. Bærarstjóra er falið að gera Framkvæmdaráði grein fyrir afstöðu bærarstjórnar“.

Óskað var eftir því að samningi verði sagt upp eigi síðar en 31. ágúst 2012 og nýr samningur gerður á öðrum forsendum. Þegar yrði þó hafist handa við að endurskipuleggja verkefnið og sníða það að minna umfangi.

Kristinn lagði til að málið yrði tekið fyrir á næsta fundi Framkvæmdaráðs í sumar. Sú upphæð sem Grundarfjarðarbær mun leggja fram til verkefnisins í ár, 950 þúsund, ætti að nægja til þess að halda verkefninu gangandi út árið. Kristinn mun hafa samband við Róbert, forstöðumann Náttúrustofu Vesturlands, fyrir næsta fund.

Ríkið hefur styrkt verkefnið um tvær milljónir fyrir árið 2012 og er nauðsynlegt að fylgja eftir ósk Framkvæmdaráðsins um samkomulag við ríkið um stuðning við verkefnið til næstu tveggja ára, að minnsta kosti.



Fundur Framkvæmdaráðs Snæfellsness

Fundargerð 21. maí 2012

2. Nauðsynlegt er að skoða hvort sveitarfélögin telji að sá árangur sem hefur náðst með vottunarverkefninu sé sá sem þau óskuðu eftir í upphafi. Hvað vildu/vilja sveitarfélögin fá út úr verkefninu? Hvað er hægt að gera til þess að sá árangur náist?

Björn Steinar benti á að skoða þyrfti eftir hverju var verið að leita í upphafi og hvort það markmið hafi náðst. Setja þurfi niður hvert sveitarfélögin vilji stefna með verkefninu í framtíðinni. Nú séu forsendur að einhverju leyti breyttar og upphafleg og núverandi markmið óljós.

Kristinn benti á að skoða þurfi stefnuna sem sett var í upphafi og þær framkvæmdaáætlanir sem samþykktar hafa verið. Skoða þurfi þau markmið sem sett voru og fara yfir hvort þeim hafi verið náð.

Kristinn stakk upp á að endurskoðuð framkvæmdaáætlun yrði lögð fyrir sveitarstjórnir á næstu dögum. Þar kemur fram hver stefnan er í dag. Sveitarstjórnafólk fær þannig tækifæri til þess stokka upp framkvæmdaáætlunina með það í huga hvert verkefnið ætti að stefna og með hvaða hætti það verður gert.

Stefnt verði að því að hugmyndir sveitarstjórna verði teknar fyrir á fundi Framkvæmdaráðs í september og út frá þeim verði smíðuð ný framkvæmdaáætlun.

3. Theó kynnti hugmynd að fundahaldi fyrir ferðapjóna á Snæfellsnesi. Þar lærðu starfsmenn ferðapjónustufyrirtækja á Snæfellsnesi um náttúru og umhverfissvottun Snæfellsness. Um leið yrðu ferðapjónustufyrirtæki á Snæfellsnesi hvött til þess að skoða vottun á sinni eigin starfsemi.

Kristinn velti upp þeim möguleika að í stað þess að halda sameiginlega fundi myndi Theó heimsækja alla ferðapjónustuaðila á Snæfellsnesi með það að markmiði að kynna vottunina og kynnast um leið þeirri starfsemi sem fram fer á svæðinu.

Í apríl á næsta ári væri möguleiki að efna til ráðstefnu eða fundar með ferðapjónustuaðilum á svæðinu þar sem náttúra og vottun svæðisins yrði kynnt. Þannig yrði unnið með ferðapjónustuaðilum að því að byggja upp betri tengsl innan svæðisins.

4. Ráðist verði í endurbætur á innkaupastefnu sveitarfélaganna með stefnu ríkisins um vistvæn innkaup til hliðsjónar. Theó vinni í að gera innkaupastefnu og –skráningar skýrar og skilmerkilegar. Þegar grunnur hefur verið lagður sendi Theó drög að bréfi til bæjarstjóra þar sem málin eru skýrð fyrir starfsmönnum sveitarfélaganna. Samhliða því verði haldnar kynningar fyrir þá sem sjá um innkaup sveitarfélaganna.
5. Í maí komu í heimsókn á Snæfellsnes tveir hópar kanadískra háskólanema sem leggja meðal annars stund á ferðamálafræði, náttúru- og sjálfbærnivísindi. Komu nemendurnir sérstaklega á Snæfellsnesið til þess að kynna sér umhverfissvottunarverkefnið og fengu kynningu á því hjá umhverfisfulltrúa. Báðir hóparnir eyddu hér tveimur dögum og nýttu sér gistingu, söfn og fleira á Snæfellsnesi. Theó kynnti möguleika á því að hvetja til fleiri slíkra heimsókna, sérstaklega þar sem þessir hópar heimsækja svæðið yfirleitt í maí. Þannig væri mögulegt að lengja ferðamannatímabilið á svæðinu. Einnig er um góða og ódýra markaðssetningu fyrir sveitarfélögin að ræða.
6. Úttektaraðili mætir á svæðið í haust ef allt gengur að óskum. Theó vinnur í því að taka saman benchmarking gögn sem skila á fyrir 1. júní.
7. Breyta þarf merkingu á skiltunum við innganginn á Snæfellsnesið. Í sparnaðarskyni reynir Theó að skoða möguleika á því að fá límmiða sem hægt er að líma yfir ártalið í stað þess að aftur verði prentað á skiltið.
8. Gyða benti á að vottunarverkefnið væri ekki nægilega vel kynnt fyrir gestum svæðisins þegar þeir væru mættir á svæðið.



EARTHCHECK

Fundur Framkvæmdaráðs Snæfellsness

Fundargerð 21. maí 2012

Ákveðið var að Theó útbyggji upplýsingar sem sendar verða á sveitarfélögin. Þau geta þá ákveðið sjálf hversu miklu þau vilja eyða í að prenta slíkar upplýsingar út, í hvaða stærð og í hvaða magni. Þetta gefur að minnsta kosti möguleika á því að hengja upplýsingar um verkefnið upp, til dæmis á tjaldsvæðum og í sundlaugum sveitarfélaganna.

9. Kristinn stakk upp á að Theó færi í heimsókn í stofnanir hvers sveitarfélags þegar líður á haustið. Eyddi einum degi í hverju sveitarfélagi. Þannig yrði sýnileiki verkefnisins aukinn innan svæðisins.

Theó greindi frá því að GJTravel hefði haft samband og óskað eftir samstarfi við skipulagningu hópfarða með áherslu á umhverfisvottun Snæfellsness. Óskaði eftir því að fá að eyða einhverjum tíma í að skoða þennan möguleika til að fá fleiri ferðamenn á svæðið – og nýta starfið til markaðssetningar um leið.

Gyða benti á kynningu sem Stykkishólmsbær hefði fengið á einhvers konar vatnstæki sem gæti mögulega minnkað notkun á sápum við þrif og jafnvel klór í sundlaugar. Theó tekur að sér að kanna þetta tæki frekar.

Theó beðin um að athuga hvort sveitarfélögin mættu láta framleiða EarthCheck fána sjálf. Fánarnir sem koma frá vottunarsamtökunum eru lélegir og rifna mjög fljótt í íslenskum aðstæðum.

Theó gerði grein fyrir því að hún væri að vinna í nýrri heimasíðu fyrir verkefnið sem kæmist vonandi í gagnið á næstu vikum.

Fram kom fyrirspurn vegna kostnaðar sveitarfélaganna við vottunarverkefnið á Snæfellsnesi. Framlags sveitarfélaganna í EarthCheck. Ákveðið var að biðja Þór um að deila kostnaði sveitarfélaganna niður í tvær greiðslur á árinu 2012.

Frkv. fyrir næsta fund:

Kristinn hefur samband við Róbert, forstöðumann Náttúrustofu Vesturlands, vegna bréfs bæjarstjórnar Grundarfjarðar.

Theó sendir framkvæmdaáætlun á fulltrúa Framkvæmdaráðs.

Fulltrúar Framkvæmdaráðs leggja framkvæmdaáætlun fyrir sveitarstjórnir og óska eftir athugasemdum og tillögum að endurbótum.

Theó heimsækir alla ferðapjónustuaðila á Snæfellsnesi í því skyni að kynna vottunina.

Theó vinnur að endurbótum á innkaupastefnu sveitarfélaganna.

Theó kannar möguleika á að bjóða frekari kynningar fyrir áhugasama háskólanemendur á vorin.

Theó vinnur í skiltamálum.

Theó útbýr upplýsingar um umhverfisvottunina sem sendar verða á sveitarfélögin.

Theó hefur samband við GJTravel.

Theó kannar vatnstæki.

Theó kannar fánaframleiðslu.

Theó klárar heimasíðu og kynnir opnunina

Næsti fundur: Júní/júlí

Fundi slitið kl.: 10:15